



SLUŽBENE NOVINE

OPĆINE MAGLAJ

BROJ
7/23

Maglaj, 9.6.2023. godine

„Službene novine Općine Maglaj“
Izdaje: Služba Općinskog načelnika i Općinskog vijeća
Općina Maglaj, Viteška 4, Maglaj
Za izdavača: Mirsad Mahmutagić – Općinski načelnik Maglaj
Tel.: 032/465-810; Fax: 032/465-817; E-mail: vijece@maglaj.ba

AKTI OPĆINSKOG VIJEĆA**416.****NACRT**

Na osnovu člana 1. i 5. Zakona o koncesijama Federacije BiH („Službene novine Federacije BiH“, br. 40/02 i 61/06), člana 8. i 56. Zakona o principima lokalne samouprave („Službene novine Federacije BiH“, broj: 49/06), člana 18. Statuta Općine Maglaj - prečišćen tekst („Službene novine Općine Maglaj“, br. 08/07, 3/08 i 6/08) i Zahtjeva Ministarstva za privredu – gospodarstvo Zeničko - dobojskog kantona broj: 04-14-2824-1/23 od 10.04.2023. godine, Općinsko vijeće Maglaj, na 27. redovnoj sjednici, održanoj 30.05.2023. godine i 08.06.2023. godine, donosi

ODLUKU

o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu „Klanci“ K.O. Strupina, općina Maglaj

Član 1.

Daje se saglasnost za pokretanje procedure za dodjelu koncesionog prostora za istraživanje i eksploataciju mineralnog resursa lertzolita na ležištu „Klanci“ K.O. Strupina, općina Maglaj na prostoru koji je definisan prelomnim tačkama i koordinatama u zahtjevu Ministarstva za privredu/gospodarstvo Zeničko – dobojskog kantona broj: 04-14-2824-1/23 od 10.04.2023. godine.

KOORDINATE ZAHTEJEVANOG PROSTORA		
	y	x
A	6502118,953	4933031,953
B	6502351,185	4933185,653
C	6502427,807	4933075,204
D	6502632,099	4933034,842
E	6502456,262	4932689,089

Član 2.

Koncesioni prostor istražno eksploatacionog polja iz člana 1. obuhvata prostor od 11,78 ha i nalazi se u obuhvatu Prostornog plana Općine Maglaj („Službeni glasnik Općine Maglaj“ br. 2/90 i 1/13), a prema podacima iz Katastra zemljišta obuhvata dio nekretnine označene sa:

- k.č. broj: 9/1, BIJELI KLANCI Šuma 4. i 6. klase ukupne površine 3036280 m², upisane u pl.broj 26 K.O. Strupina, posjednik TVORNICA NATRON sa dijelom 1/1, a prema podacima Zemljišno knjižnog ureda odnosi se na k.č. broj:

9/1 u istoj površini upisana u zk.uložak broj 27 K.O. Strupina, Državna svojina 1/1, Organ upravljanja Zeničko - dobojski kanton - Kantonalna uprava za šumarstvo.

Član 3.

Prilikom provođenja procedure dodjele koncesije, zaključivanja Ugovora o koncesiji te adekvatnim nadzorom, potrebno je ispoštovati odredbe Zakona o koncesijama Federacije BiH („Službene novine Federacije BiH“, br. 40/02 i 61/06), Zakona o koncesijama Zeničko - dobojskog kantona („Službene novine Zeničko - dobojskog kantona“, broj: 05/03) i Odluke o načinu raspodjele i korištenja finansijskih sredstava prikupljenih po osnovu kontinuirane i jednokratne naknade od koncesije, Vlade Zeničko - dobojskog kantona („Službene novine Zeničko - dobojskog kantona“, broj: 1/13).

Član 4.

Koncesionar ima obavezu pribavljanja svih potrebnih saglasnosti i dozvola nakon potpisivanja koncesionog ugovora.

Član 5.

Ova Odluka stupa na snagu osmog dana od dana objave u „Službenim novinama Općine Maglaj“.

Broj: 02-04-1-982/23

Maglaj, 08.06.2023. godine

PREDSJEDAVALA
Svjetlana Zamboni s.r.

417.

Na osnovu člana 42, 43, 45, 46, 47, 48. i 50. Zakona o prostornom uređenju i građenju Zeničko – dobojskog kantona („Službene novine Zeničko-dobojskog kantona", br. 01/14 i 4/16), člana 18. Statuta Općine Maglaj – prečišćen tekst („Službene novine Općine Maglaj", br. 8/07, 3/08 i 6/08) i Odluke o usvajanju Nacrta djelimične izmjene Regulacionog plana „KOSOVA“ broj: 02-04-1-340/23 od 28.02.2023. godine, Općinsko vijeće Maglaj, na 27. redovnoj sjednici, održanoj 30.05.2023. godine i 08.06.2023. godine, donosi

ODLUKU

o usvajanju djelimične izmjene Regulacionog plana “KOSOVA”

Član 1.**(Vrsta dokumenta)**

Ovom Odlukom usvaja se djelimična izmjena Regulacionog plana “KOSOVA“ („Službene

novine Općine Maglaj“, broj: 02/03).
Zahtjev: Smajić Samil i Smajić Muradif iz Kosove

Član 2.

(Granice područja za koje se dokument mijenja)

Izmjena Regulacionog plana obuhvata zemljište označeno kao k.č.broj:1532/7, površine 608 m², upisana u pl. br. 748 k.o. Kosova, posjednik Smajić (Saliha) Samil sa dijelom 1/1 i k.č. broj: 1532/6 površine 472 m² upisana u pl. br. 1117, posjednik Smajić Saliha Muradif sa dijelom 1/1 koje se nalazi u naselju Kosova, područje zvano ŽABARI.

Izmjenom Regulacionog plana, po zahtjevu Smajić Samila i Smajić Muradifa bi se u odnosu na opredjeljenu namjenu po Regulacionom planu „KOSOVA“, i uspostavljeni raster planiranih saobraćajnica i postojeće stanje izgrađenosti, a obzirom da je u širem obuhvatu prostora ovo područje izgrađeno izvršile izmjene namjene i razmještaja objekata, parcelacije i građevinskih i regulacionih linija te prema uslovima na terenu i izgrađenim internim prilaznim saobraćajnicama za označeni obuhvat prihvatilo postojeće stanje izgrađenosti sa izgrađenim prilaznim saobraćajnicama.

U okviru ostalog vlasničkog zemljišta investitora omogućila bi se izgradnja stambenih i poslovno stambenih objekata prema urbanističko – tehničkim uslovima na terenu i uslovima iz Odluke o provođenju Regulacionog plana „Kosova“ („Službene novine Općine Maglaj“ broj: 02/03), uz uslov da do predmetnog zemljišta postoji izgrađen prilaz koji je uplanjen u katastarskim planovima.

Ovim prijedlogom rješenja bi se zainteresiranim investitorima sa ovog područja omogućavala izgradnja stambenih i drugih objekata jer na terenu nije moguće sprovesti planirano rješenje po regulacionom planu jer se istim blokira izgradnja na ovom području.

Na ostalom prostoru obuhvata Regulacionog plana „Kosova“ ostaje rješenje kako je to predviđeno Regulacionim planom.

Član 3.

Izmjena Regulacionog plana sastoji se od Tekstualnog i Grafičkog dijela.

TEKSTUALNI DIO:

1. Urbanistička osnova
2. Urbanistički koncept izgradnje i uređenja prostora
3. Smjernice za provođenje djelimične izmjene Regulacionog plana

GRAFIČKI DIO: Tematske karte

1. Izvod iz važećeg Regulacionog plana sa granicom obuhvata izmjene

2. Postojeće stanje prostornog uređenja
3. Postojeća parcelacija
4. Postojeće stanje infrastrukture
5. Plan parcelacije
6. Plan namjene i razmještaja objekata
7. Plan regulacionih i građevinskih linija
8. Plan Infrastrukture

Član 4.

Odluka stupa na snagu osmog dana od dana objavljivanja u „Službenim novinama Općine Maglaj“.

Broj: 02-04-1-982/23

Maglaj, 08.06.2023. godine

PREDSJEDAVAJUĆA
Svjetlana Zamboni s.r.

418.

Na osnovu člana 42. stav (1) tačka b) i stav (3), a u vezi sa članom 33. stav (2) Zakona o pravobranilaštvu („Službene novine Zeničko-dobojskog kantona“, broj:12/13), člana 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), na prijedlog Općinskog načelnika Maglaj, Općinsko vijeće Maglaj, na 27. redovnoj sjednici, održanoj 30.05.2023. godine i 08.06.2023. godine, donosi

ODLUKU

o razrješenju Općinskog pravobranioca Općine Maglaj

Član 1.

Nermina Botonjić razrješava se dužnosti Općinskog pravobranioca Općine Maglaj zaključno sa 20.06.2023. godine, zbog ispunjavanja uslova iz člana 42. stav (3) Zakona o pravobranilaštvu, odnosno odlaska u penziju.

Član 2.

Ova Odluka stupa na snagu danom donošenja i bit će objavljena u „Službenim novinama Općine Maglaj“

Broj: 02-04-1-984/23

Maglaj, 08.06.2023. godine

PREDSJEDAVAJUĆA
Svjetlana Zamboni s.r.

419.

Na osnovu člana 18. Statuta Općine Maglaj – prečišćen tekst („Službene novine Općine Maglaj“ br. 08/07, 03/08/ i 06/08), a u vezi sa članom 31. Statuta JU Dom zdravlja Maglaj (broj: 11/UO-180712 od 28.02.2012.), Općinsko vijeće Maglaj na 27. redovnoj sjednici, održanoj 30.05.2023.godine i 08.06.2023. godine donosi

RJEŠENJE**o razrješenju člana Upravnog odbora JU Dom zdravlja Maglaj****Član 1.**

Nedžad Lokmić, razrješava se dužnosti člana Upravnog odbora JU Dom zdravlja Maglaj, na koju je imenovan ispred Osnivača.

Član 2.

Imenovanom iz člana 1. ovog Rješenja prestaje mandat člana Upravnog odbora JU Dom zdravlja Maglaj zaključno sa 03.05.2023. godine.

Član 3.

Ovo Rješenje stupa na snagu danom donošenja i objavit će se u „Službenim novinama Općine Maglaj“.

Broj: 02-04-1-985/23
Maglaj, 08.06.2023. godine

PREDSJEDAVALA
Svetlana Zamboni s.r.

420.

Na osnovu člana 18. Statuta Općine Maglaj – prečišćen tekst („Službene novine Općine Maglaj“ br: 08/07, 03/08/ i 06/08), a u vezi sa članom 3. stav (1), tačka c) Odluke o postupcima, standardima i kriterijima imenovanja na pozicije u reguliranim organima Općine Maglaj („Službene novine Općine Maglaj“, broj: 02/17), Općinsko vijeće Maglaj, na 27. redovnoj sjednici, održanoj 30.05.2023. godine i 08.06.2023. godine, donosi

ODLUKU**o pokretanju procedure izbora i imenovanja jednog člana Upravnog odbora JU Dom zdravlja Maglaj****Član 1.**

Donosi se Odluka o pokretanju procedure izbora i imenovanja jednog člana Upravnog odbora ispred

reda osnivača JU Dom zdravlja Maglaj, a shodno članu 3. stav (1) tačka c) Odluke o postupcima, standardima i kriterijima imenovanja na pozicije u reguliranim organima Općine Maglaj.

Član 2.

U skladu sa članom 1. ove Odluke, a na prijedlog Općinskog načelnika Maglaj, Općinsko vijeće Maglaj će imenovati Komisiju za izbor na upražnjenu poziciju člana Upravnog odbora JU Dom zdravlja Maglaj, kako je to definisano Zakonom o ministarskim, vladinim i drugim imenovanjima Federacije BiH („Službene novine Federacije BiH“, br. 12/03, 34/03 i 65/13) i Odluke o postupcima, standardima i kriterijima imenovanja na pozicije u reguliranim organima Općine Maglaj.

Član 3.

Ova Odluka stupa na snagu danom donošenja i objavit će se u „Službenim novinama Općine Maglaj“.

Broj: 02-04-1-2147/23
Maglaj, 08.06.2023. godine

PREDSJEDAVALA
Svetlana Zamboni s.r.

421.

Na osnovu člana 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), člana 18. Statuta Općine Maglaj – prečišćen tekst („Službene novine Općine Maglaj“, br. 08/07, 03/08 i 06/08) i člana 13. Odluke o postupcima, standardima i kriterijima imenovanja na pozicije u reguliranim organima općine Maglaj („Službene novine Općine Maglaj“, broj: 02/17), na prijedlog Općinskog načelnika, Općinsko vijeće Maglaj, na 27. redovnoj sjednici, održanoj 30.05.2023. godine i 08.06.2023. godine, donosi

RJEŠENJE**o imenovanju Komisije za izbor na upražnjenu poziciju u reguliranom organu općine Maglaj****Član 1.**

Imenuje se Komisija za izbor na upražnjenu poziciju u reguliranom organu općine Maglaj u sastavu:

1. Eldina Mehinagić, predsjednica
2. Irma Šahman-Šehić, članica
3. Irma Mahmić, članica
4. Arnela Tumbić, članica
5. Selena Šehić, članica

Član 2.

Upraznjena pozicija u reguliranom organu općine Maglaj za koje je potrebno provesti proceduru je Upravni odbor JU „Dom zdravlja“ Maglaj.

Član 3.

Zadatak Komisije iz člana 1. ovog Rješenja je da shodno principima Zakona o ministarskim, vladinim i drugim imenovanjima Federacije Bosne i Hercegovine i Odlukom o postupcima, standardima i kriterijima imenovanja na pozicije u reguliranim organima općine Maglaj

- pripremi tekst oglasa za upražnjenu poziciju;
- objavi oglas u „Službenim novinama Federacije BiH“ i jednom dnevnom listu velikog tiraža s ciljem da bude dostupan najširoj javnosti i internet stranici Općine Maglaj;
- pregleda prijave pristigle u roku utvrđenom oglasu;
- sastavi listu s užim izborom uspješnih kandidata koji ispunjavaju kriterije za izbor;
- obavi intervju sa kandidatima koji su ušli u užu izbor;
- zatraži od kandidata koji su ušli u užu izbor da popune obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja;
- od kandidata koji su ušli u užu izbor zatraži da daju podatke o odgovarajućem broju ranijih neposrednih rukovodilaca od kojih se mogu dobiti preporuke i informacije o kandidatima;
- predloži odgovornom javnom službeniku, Općinskom vijeću Maglaj, pismenom preporukom rang-listu sa najboljim kandidatima na dalje razmatranje.

Član 4.

Ovo Rješenje stupa na snagu danom donošenja i objavit će se u „Službenim novinama Općine Maglaj“.

Broj: 02-04-1-986/23

Maglaj, 08.06.2023. godine

PREDSJEDAVAJUĆA
Svjetlana Zamboni s.r.

AKTI OPĆINSKOG NAČELNIKA**422.**

Na osnovu člana 10. tačka 5. Zakona o zaštiti stanovništva od zaraznih bolesti („Službene novine Federacije BiH“, broj: 29/05), Naredbe Ministarstva zdravstva Zeničko-dobojskog kantona o provođenju obavezne preventivne sistematske deratizacije na području Zeničko-dobojskog kantona - proljetna faza 2023. godine, broj: 11-33-6912-1/23 od 03.05.2023. godine i člana 41. Statuta Općine Maglaj („Službene novine Općine Maglaj“, br. 8/07, 3/08 i 6/08), Općinski načelnik donosi

NAREDBU

o provođenju obavezne preventivne sistematske deratizacije na području općine Maglaj - proljetna faza 2023. godine

I

Naređuje se provođenje obavezne preventivne sistematske deratizacije - proljetna faza 2023. godine na području općine Maglaj u periodu od 01.06.2023. - 09.06.2023. godine, u skladu sa Programom provođenja preventivne sistematske deratizacije, općina Maglaj – proljeće 2023. godine, Instituta za zdravlje i sigurnost hrane, Zenica broj: 02-1814/23 od 30.05.2023. godine, a što je u vezi sa Programom provođenja obavezne preventivne sistematske deratizacije na području Zeničko-dobojskog kantona 2023. godine (PROLJETNA I JESENJA FAZA) - (Kontrola uzročnika zaraznih oboljenja i njihovih prenosilaca), broj: 11-33-6912/23 od 28.04.2023. godine.

Obaveznom preventivnom sistematskom deratizacijom biti će obuhvaćeni slijedeći objekti i površine:

1. Javne i zelene površine u pojasu naselja sa koncentriranim stanovništvom (gradsko naselje)
2. Obale površinskih vodotoka u gradskim i prigradskim zonama
3. Centralne zvanične deponije za odlaganje otpada
4. Nezvanična (neorganizovana) odlagališta otpada - smetlišta
5. Vaspitno - obrazovne ustanove i objekti (škole, obdaništa, fakulteti) i kulturni objekti sa pripadajućim vanjskim površinama (obuhvatajući podrum, tavane, magacioni prostor, dvorišta, smetljarnike, garaže, otvorena i zatvorena odlagališta otpada,

- prostore za skladištenje i pripremu hrane, te pripadajuće površine)
6. Kolektivni centri za smještaj i boravak izbjeglih i prognanih lica
7. Objekti kantonalnih javnih zdravstvenih ustanova sa pripadajućim vanjskim površinama (obuhvatajući podrum, tavane, magacioni prostor, dvorišta, smetljarnike, garaže, otvorena i zatvorena odlagališta otpada te pripadajuće površine)
8. Objekti općinskih javnih zdravstvenih ustanova sa pripadajućim vanjskim površinama (obuhvatajući podrum, tavane, magacioni prostor, dvorišta, smetljarnike, garaže, otvorena i zatvorena odlagališta otpada te pripadajuće površine kao što su dvorišta i parkovi)
9. Kantonalne institucije i njihove ispostave sa pripadajućim vanjskim površinama (obuhvatajući podrum, tavane, magacioni prostor, dvorišta, smetljarnike, garaže, otvorena i zatvorena odlagališta otpada, te pripadajuće površine)
10. Općinske institucije i njihove ispostave sa pripadajućim vanjskim površinama, (obuhvatajući podrum, tavane, magacioni prostor, dvorišta, smetljarnike, garaže, otvorena i zatvorena odlagališta otpada, te pripadajuće površine)
11. Individualni stambeni objekti u privatnom vlasništvu u užim zonama gradskih naselja, (obuhvatajući podrum, tavane, magacioni prostor, dvorišta, smetljarnike, garaže, otvorena i zatvorena odlagališta otpada te pripadajuće površine)
12. Vjerski objekti i groblja u gradskim naseljima
13. Objekti za javno vodosnabdijevanje i kanalizaciona mreža sa šahtovima i izlivnim kolektorima
14. Objekti i površine svih fizičkih i pravnih lica koji obavljaju poslovnu djelatnost (obuhvatajući podrum, tavane, magacioni prostor, dvorišta, smetljarnike, garaže, otvorena i zatvorena odlagališta otpada, te pripadajuće površine)
15. Objekti i sredstva javnog saobraćaja
16. Objekti za proizvodnju i promet živežnih namirnica i predmeta opće upotrebe sa pripadajućim vanjskim površinama (obuhvatajući podrum, tavane, magacioni prostor, dvorišta, smetljarnike, garaže, otvorena i zatvorena odlagališta otpada te pripadajuće površine)
17. Objekti za pružanje usluga javne higijene

18. Zajednički prostori stambenih zgrada (podrumi, tavani, magacinski prostori, drvarnici, smetljarnici, dvorišta, garaže)
19. Šahtovi i energetske kanali toplovodnih, plinskih, električnih, telefonskih i drugih instalacija

II

Troškovi obavezne preventivne sistematske deratizacije, koji se odnose na objekte i površine iz tačke I stav (2), tačka 1, 4, 8, 10. i 11. ove Naredbe finansiraju se iz Budžeta Općine Maglaj.

Troškovi obavezne preventivne sistematske deratizacije, koji se odnose na objekte i površine iz tačke I stav (2) tačka 2, 5, 6, 7, 9. i 12. ove Naredbe finansiraju se iz Budžeta Zeničko-dobojskog kantona.

Troškove obavezne preventivne sistematske deratizacije, koji se odnose na objekte i površine iz tačke tačke I stav (2) tačka 3, 13, 14, 15, 16, 17, 18. i 19. snose subjekti koji su vlasnici ili posjednici istih, a obavezni su u utvrđenom periodu, organizovati i provesti sistematsku deratizaciju, angažujući ovlašćene izvođače iz člana 12. Pravilnika o uvjetima u pogledu stručne spremljenosti, tehničke opremljenosti, prostorija i drugih uvjeta kojima moraju udovoljavati zdravstvene ustanove, privredna društva, odnosno fizičke osobe - obrtnici za obavljanje DDD („Službene novine FBiH“, broj: 30/16).

III

Isključivo u utvrđenom periodu, ima se organizovati i provesti obavezna preventivna sistematska deratizacija, u skladu sa Programom provođenja deratizacije na području Zeničko-dobojskog kantona za 2023. godinu.

IV

Obaveznu preventivnu sistematsku deratizaciju za objekte i površine iz svoje nadležnosti organizovat će Općina Maglaj, a sprovesti Institut za zdravlje i sigurnost hrane Zenica.

V

Subjekti koji podliježu provođenju obavezne preventivne sistematske deratizacije dužni su obezbijediti nesmetan rad izvođačima.

VI

Inspekcijски nadzor nad provođenjem obavezne preventivne sistematske deratizacije, u skladu sa članom 57. Zakona o zaštiti stanovništva od zaraznih

bolesti vršiti će kantonalna/općinska sanitarna inspekcija.

VII

Ova Naredba stupa na snagu danom donošenja, a objavit će se u “Službenim novinama Općine Maglaj” i putem sredstava informisanja.

Broj: 06-19-9-2091/23

Maglaj, 01.06.2023. godine

OPĆINSKI NAČELNIK
Mirsad Mahmutagić s.r.

SADRŽAJ**AKTI OPĆINSKOG VIJEĆA**

416.	ODLUKA o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lerzolita na ležištu „Klanci“ K.O. Strupina, općina Maglaj	169
417.	ODLUKA o usvajanju djelimične izmjene Regulacionog plana “KOSOVA”	169
418.	ODLUKA o razrješenju Općinskog pravobranioca Općine Maglaj	170
419.	RJEŠENJE o razrješenju člana Upravnog odbora JU Dom zdravlja Maglaj	171
420.	ODLUKA o pokretanju procedure izbora i imenovanja jednog člana Upravnog odbora JU Dom zdravlja Maglaj	171
421.	RJEŠENJE o imenovanju Komisije za izbor na upražnjenu poziciju u reguliranom organu općine Maglaj	171

AKTI OPĆINSKOG NAČELNIKA

422.	NAREDBA o provođenju obavezne preventivne sistematske deratizacije na području općine Maglaj - proljetna faza 2023. godine	173
------	--	-----